



Laluan KM124 LPT1 arah timur ditutup mulai Isnin hingga Mac 2024

Oktober 14, 2023 @ 8:51am

KUALA LUMPUR: Kerja-kerja menaik taraf lebuhraya bagi melaksanakan projek tebatan banjir di KM124 Lebuhraya Pantai Timur 1 (LPT1) giat dijalankan oleh kontraktor ANIH Berhad (ANIH), selaku pengendali lebuhraya berkenaan.

ANIH dalam kenyataan hari ini berkata bagi melancarkan kerja-kerja pembinaan di kawasan itu penutupan jalan di laluan arah timur (hala Kuantan) akan dilaksanakan bagi membolehkan kerja-kerja peningkatan aras laluan utama dapat dijalankan.

Sementara itu, semua trafik akan dilencongkan untuk menggunakan laluan arah barat (hala Kuala Lumpur) dan pelaksanaan aliran kontra akan dibuat sepanjang tempoh berkenaan.

"Penutupan dan lencongan berserta aliran kontra ini akan dilaksanakan bermula Isnin, 16 Oktober 2023 sehingga Mac 2024.

"Pengguna dinasihatkan merancang perjalanan dan mematuhi papan arah yang disediakan di lokasi serta arahan petugas yang bertugas sebagai panduan bagi mengelakkan kekeliruan dan langkah keselamatan," menurut kenyataan itu.

Mendapatkan informasi tepat dan terkini, pengguna disarankan untuk mengikuti saluran ANIH TV serta saluran rasmi media sosial ANIH Berhad di Facebook (@Lebuhraya Pantai Timur) dan Twitter, (@LPTTrafik) serta Lembaga Lebuhraya Malaysia di Twitter (@llmtrafik) dan Facebook (@Lembaga Lebuhraya Malaysia)

Untuk sebarang kecemasan, sila hubungi LPT - Line di 1-700-818-700 atau LLM di 1800-88- 7752.